

AUKERAKETA

- 15.- Aurkeztutako lanak aurretiaz aztertu eta aukeratuko ditu Aukeraketa Batzordeak. Ez dira 50 film baino gehiago onartuko. Antolatzaileak, baina, profesional eta amateurren arteko oreka mantentzen saiatuko dira.
- 16.- Ez dira onartuko aurreko urteetako edizioetara aurkezturiko lanak.
- 17.- Euskal Zine Bileraren 37. ediziora aurkeztu eta onartutako filmak Lekeitioko Ikusgarri zine aretoan emango dira, 2014ko azaroaren 23tik 29ra.
- 18.- Parte-hartzaileak dira aurkezturiko lanen eskubideen jabeak. Hala ere, antolatzailleek eskubidea dute aukeraturiko filmen zatiak zinemaldiaren promozioan erabiltzeko. Promozio-lan hori egiteko edozein era erabil daiteke (internet, argazkiak,...).
- 19.- Euskaraz egindako ikus-entzunezkoen sektorea promozionatzea da zinemaldiaren helburua. Zinemaldiak, beraz, ez du inola ere dirua irabazteko asmorik. Hortaz, parte hartzaileek izena ematearekin batera uko egiten diote zinemaldian lan horiek emateagatik egile eskubideak eskuratzeari.
- 20.- Baldintza hauek aldatzea antolatzaileen esku gelditzen da.



37. EUSKAL ZINE BILERA

Lekeitio 2014

Azaroaren 23tik 29ra

PARTE HARTZEKO OINARRIAK

PARTE HARTZEA

1.- Edozein film egilek har lezake parte Euskal Zine Bileran (EZB).

LANAK

2.- EZB denez gero, euskara izango da bilerara aurkezten diren lanetan erabiliko den hizkuntza. Pelikularen zatiren batean beste hizkuntzaren bat erabiltzen bada, azpituak jarriko dira euskaraz. Ez da onartuko euskarazko azpituak ez dituen filmik, beste hizkuntzaren bat erabiltzen denean. Azpituak irudira txertatuta joango dira. Edozelan ere, eta erabilitako hizkuntzari dagokion aldetik, antolatzaile-taldeak erabakiko du lana onartzen den edo ez.

3.- Filmak elaboratuta aurkeztuko dira. Hau da, muntaia-lana egindako filmak bakarrik onartuko dira.

4.- Lanek ezingo dute 30 minutu baino gehiago iraun.

5.- Pelikularen hasiera eta amaiera ondo adierazten duten lanak izango dira. Lanen kalitatea, bai irudiari zein audioari dagokionez, alde aurretik kontrastatuko da. Antolatzaileek ez dute onartuko erreprodukzio-sistema lagungaririk eskatzen duen lanik. Ez dira onartuko baldintza horiek betetzen ez dituzten lanak.

AURKEZTEA

6.- Pelikulak *online* aurkeztuko dira UPTOFEST bidez (www.uptofest.com), plataformak berak eskatzen dituen datu orokorrak beteaz.

7.- Plataformak EZBra aurkezteko aukera eskaintzen du. EZB aukeratu behar da, eta ondoko dokumentu hauek erantsi:

- **Izena emateko orria.** Izena emate orria EZBren web orrialdetik deskargatu behar da. Antolatzaileek ez dute onartuko datu guztiak beteta ez dituen filmik.
- **Bi fotograma** JPG formatuan (300 ppp), nahitaez.
- **Trailerra** ikusteko lotura, posible bada (Youtube, Vimeo,...)
- Pelikularen **kartela** JPG formatuan, posible bada.
- Nortasun Agiriaren kopia.

8.- Lanak aurkezteko azken eguna 2014ko irailaren 12a izango da.

9.- Antolatzaileek ez dute inolako erantzukizunik lanek izan ditzaketan kalteen gainean. Hala ere, antolatzaileek euren esku dauden neurri guztiak hartuko dituzte, lanek kalterik ez izateko.

10.- Antolatzaileek ez dituzte bere egiten film laburretan egiten diren adierazpenak, erabilitako irudiak edota isuritako iritziak. Beraz, ez dute horien gaineko inolako erantzukizunik.

Informazio gehiago jasotzeko:

Telefonoa: 94 624 34 82 • Faxe: 94 624 32 86 • Mugikorra: 688 653 054
e-maila: zinebilera@zinebilera.com • web orrialdea: www.zinebilera.com

SARIAK

11.- Beheko taulan azaltzen dira EZBn sarituko diren arloak. Egileek profesional edo amateurren artean kokatu beharko dituzte euren lanak. Taulan agertzen dira, halaber, irabazleek jasoko dituzten sariak arlorik arlo:

ARLOAK	KATEGORIAK	SARIAK
Zuzendaritza	Profesionala	1.600,00 € eta Zilarrezko Antzarra
	Amateurra	1.000,00 € eta Zilarrezko Antzarra
Ekoizpena	Profesionala	1.600,00 € eta Zilarrezko Antzarra
	Amateurra	1.000,00 € eta Zilarrezko Antzarra
Gidoia	Profesionala	1.600,00 € eta Zilarrezko Antzarra
	Amateurra	1.000,00 € eta Zilarrezko Antzarra
Argazkia	Profesionala	1.600,00 € eta Zilarrezko Antzarra
	Amateurra	1.000,00 € eta Zilarrezko Antzarra
Film onena	Profesionala	1.900,00 € eta Urrezko Antzarra
	Amateurra	1.300,00 € eta Urrezko Antzarra

• **GAZTE 22 SARIA:** 1992ko urtarrilaren 1aren ondoren jaiotako parte hartzaileen artean 600,00 euroko sari berezia emango da. Kategoria honetan lehiatu nahi duenak izena emateko orrian adierazi beharko du.

• **ANTZAR MOREA SARIA: 500,00 € eta Antzar Morea:** Genero ikuspegia hoberen txertatzen duen lanari, Udaleko Berdintasun Batzordeak emana. Kontutan hartuko da, halaber, emakumearen presentzia zenbatekoa izan den lana sortzeko prozesuan.

Sariak erretentzio fiskalari lotuta daude.

12.- Epaimahaiak sariren bat eman gabe uzteko ahalmena du.

13.- Sariak jaialdiaren amaierako ekitaldian jakinarazi eta banatuko dira. Irabazleak amaierako ekitaldira sariak jasotzera etorri beharko dira, edo bestela, norbait bidali euren orde. **Etortzerik edo inor bidaltzerik ez badute, sariak jasotzeko eskubide guztiak galduko dituzte.**

14.- Epaimahaiaren erabakiak behin betikoak eta alda ezinak dira.